

中国古代书家小楷精选

清

傅山

小

楷

精

选

孝经及书后册

孝經

開宗

仲尼居曰

民用和穆

不敏何足

(三)

本社編

江西美术出版社

《诗》云：「夙兴夜寐，无忝尔所生。」」

庶人章第六

『用天之道，分地之利，谨身节用，以养父母，此庶人之孝也。故自天子至于庶人，孝无终始，而患不及者，未之有也。』

三才章第七

曾子曰：『甚哉！孝之大也。』子曰：『夫孝，天之经也，弟（地）之义也，民之行也。天地之经，而民是则之。则天之明，因地之利，以顺天下，是以其教不肃而成，其政不严而治。先王见教之可以化民也，是故先之以博爱，而民莫遗其亲；陈之以德义，而民兴行；先之以敬让，而民不争；导之以礼乐，而民和睦；示之以好恶，而民知禁。』《诗》云：「赫赫师尹，具尔瞻。」」

孝治章第八

子曰：『昔者明王之以孝治天下也，不敢遗小国之臣，而况于公、侯、伯、子、男乎！故得万国之欢心，以事其先王。治国者不敢侮于鰥寡，而况于士民乎！故得百姓之欢心，以事其先君。治家者不敢失于臣妾，而况于妻子乎！故得人之欢心，以事其亲。夫然，故生则亲安之，祭则鬼享之。是以天下和平，灾害不生，祸乱不作。故明王之以孝治天下也如此。』《诗》云：「有觉德行，四国顺之。」」

圣治章第九

曾子曰：『敢问圣人之德，无以加于孝乎？』子曰：『天地之性人为贵。人之行，莫大于孝。孝莫大于严父，严父莫大于配天，则周公其人也。昔者，周公郊祀后稷，以配天；宗祀文王于明堂，以配上帝。是以四海之内，各以其职来祭。夫圣人之德，又何以加于孝乎？故亲生之膝下，以养父母日严。圣人因严以孝敬，因亲以教爱。圣人之教，不肃而成，其政不严而治，其所因者本也。父子之道，天性也，君臣之义也。父母生之，续莫大焉；君亲临之，厚莫重焉。故不爱其亲而爱他人者，谓之悖德；不敬其亲而敬他人者，谓之悖礼。以顺则逆，民无则焉。不在于善，而皆在于凶。德虽得之，君子不贵也。君子则不然，言思可道，行思可乐，德义可尊，作事可法，容止可观。进退可度，以临其民。是以民畏而爱之，则而象之。故能成其德教，而行其政令。』《诗》云：「淑人君子，其仪不忒。」」

孝经及书后册

一六八一年

南京博物院藏

孝经

开宗明义章第一

仲尼居，曾子侍。子曰：『先王有至德要道，以顺天下，民用和穆，睦上下无怨。汝知之乎？』曾子避席曰：『参不敏，何足以知之？』子曰：『夫孝，德之本也，教之所由生也。复坐，吾语汝。身体发肤，受之父母，不敢毁伤，孝之始也。立身行道，扬名于后世，以显父母，孝之终也。夫孝，始于事亲，中于事君，终于立身。《大雅》云「无念尔祖，聿修德。」』

天子章第二

子曰：『爱亲者不敢恶于人，敬亲者不敢慢于人。爱敬尽于事亲，而德教加于百姓，刑于四海，盖天子之孝也。《吕刑》云：「一人有庆，兆民赖之。」』

诸侯章第三

在上不骄，高而不危；制节谨度，满而不溢。高而不危，所以长守贵也；满而不溢，所以长守富也。富贵不离其身，然后能保其社稷，而和其民人。盖诸侯之孝也。《诗》云：『战战兢兢，如临深渊，如履薄冰。』

卿大夫章第四

非先王之法服，不敢服；非先王之法言，不敢道；非先王之德行，不敢行。是故，非法不言，非道不行；口无择言，身无择行；言满天下无口过，行满天下无怨恶。三者备矣，然后能守其宗庙。盖卿大夫之孝也。诗云：『夙夜匪懈，以事一人。』

士章第五

资于事父以事母，而爱同；资于事父以事君，而敬同。故母取其爱，而君取其敬，兼之者父也。故以孝事君则忠，以敬事长则顺。忠顺不失，以事其上，然后能保其禄位，而守其祭祀，盖士之孝也。

矣。故虽天子，必有尊也，言有父也；必有先也，言有兄也。宗庙致敬，不忘亲也；修身慎行，恐辱先也。宗庙致敬，鬼神著矣。孝悌之至，通于神明，光于四海，无所不通。《诗》云：「自西自东，自南自北，无思不服。」」

事君章第十七

子曰：「君子之事上也，进思尽忠，退思补过，将顺其美，匡救其恶，故上下能相亲也。《诗》云：「心乎爱矣，遐不谓矣。中心藏之，何日忘之。」」

丧亲章第十八

子曰：「孝子之丧亲也，哭不偯，礼无容，言不文；服美不安，闻乐不乐，食旨不甘，此哀戚之情也。三日而食，教民无以死伤生，毁不灭性，此圣人之政也；丧不过三年，示民有终也。为之棺、槨、衣、衾而举之，陈其簠簋而哀戚之。辟踊哭泣，哀以送之；卜其宅兆，而安厝之；为之宗庙，以鬼享之；春秋祭祀，以时思之。生事爱敬，死事哀戚，生民之本尽矣，死生之义备矣。孝子之事亲终矣。」侨峪园，无中用笔，扭捏兑傅，为念东兄。庚申十二月廿六日书完，时年七十有五。浊翁山。

癸未夏秋间，山在三立讲堂，见蔡抚军刻训言，谓「教」字从「孝」。山窃议之谓：《说文》「孝」字。本从毛，下子，上不从父也。以为抚军不讲六书之学，恐见谄于略知偏傍之士。今楷书非古，岂不误后人哉！然不知六书，而以意见附会者，昔人往往然。至于解「可」从丁从口，解「舍」从人从舌，陋而无义至矣。「孝」之为教，笔画既较然，义亦亲切有至理。以之教人，有何不可？爰效天下之动，爰下子则效为人子之义。凡古昔得亲顺亲之子，载在典籍，其间遭际有常有变。父子之间，天性浑沦，真正天地有翻覆之时，而此性终无湮没之顷。《孝经》谆谆以忠孝并言，始章即曰「中于事君」，再曰「资于事父以事君，而敬同」。曰「以孝事君则忠」，又曰「君子之事君孝，故忠可移于君」。至十七章，则全不言「孝」字，而但曰「君子之事上也，进思尽忠」云云，亦以为人子者，必至于为人臣，能将顺匡救而后已。此言其常者也。至于言「由亲而君之，先孝而后忠」之次第，固未尝颠倒也。若事君，人者则当以「始于事亲」一句尚为多矣。

山每读邴根矩之对曹子桓、任元受之对张德远，辄头抢地，泪下如雨。苟不得事亲则已，得事亲而不能推那、任之义之尽，虚有心而不竭其力，亲能待我几何年也？山自甲申国变后，虽奔走扶侍先贞耄

纪孝行章第十

子曰：『孝子之事亲也，居则致其敬，养则致其乐，病则致其忧，丧则致其哀，祭则致其严。五者备矣，然后能事亲。事亲者，居上不僭，为下不乱，在丑不争。居上而僭则亡，为下而乱则刑，在丑而争则兵。三者不除，虽日用三牲之养，犹为不孝也。』

五刑章第十一

子曰：『五刑之属三千，而罪莫大于不孝。要君者无上，非圣人者无法，非孝者无亲。此大乱之道也。』

广要道章第十二

子曰：『教民亲爱，莫善于孝。教民顺孙，莫善于悌。移风易俗，莫善于乐。安上治民，莫善于礼。礼者，敬而已矣。故敬其父，则子悦；敬其兄，则弟悦；敬其君，则臣悦；敬一人，则千万人悦。所敬者寡，而悦者众，此之谓要道也。』

广至德章第十三

子曰：『君子之教以孝也，非家至而日见之也。教以孝，所以敬天下之为人父也。教以悌，所以敬天下之为人兄者也。教以臣，所以敬天下之为人君者也。《诗》云：「恺悌君子，民之父母。」非至德，其孰能顺民如此其大者乎？』

广扬名章第十四

子曰：『君子之事亲孝，故忠可移于君；事兄悌，故顺可移于长；居家理，故治可移于官。是以行成于内，而名立于后世矣。』

谏诤章第十五

曾子曰：『若夫慈爱、恭敬、显亲、扬名，则闻命矣。敢问子从父之令，可谓孝乎？』子曰：『是何言与？昔者，天子有诤臣七人，虽无道，不失天下；诸侯有诤臣五人，虽无道，不失其国；大夫有诤臣三人，虽无道，不失其家；士有诤友，则身不离于令名；父有诤子，则身不陷于不义。故当不义，子不可以不诤于父，臣不可以不诤于君。故当不义，则诤之。从父之令，又焉得为孝乎？』

感应章第十六

子曰：『昔者，明王事父孝，故事天明；事母孝，故事地察；长幼顺，故上下治。天地明察，神明彰

从来大圣人不幸，莫如禹矣。鯀殛而禹代，泛论之，则禹乃为拯溺之功臣。自禹之心言之，不过为干蛊之孝子而已。

域间三大：君、亲、师。然有不事王侯高尚其事之人，而无不事父母高尚其事之子。至于师，则申屠建斩崔发，不为过也。

《家人》『有严君焉，父母之谓也』。故亲生之膝下，以养父母日严，因亲教爱，因严敬。即以『教』以『孝』为义，何不可？至于从『支』，又谚所谓『棒头出孝子』耶！严延年母尚矣，而颍川家有杖碎金鱼之母，故母亦不专以慈为教也。《管子》曰：『人君之德行威严，非独能尽贤于人。』曰『人君也，故从而贵之』可也。若为子者，则岂敢曰『人父也，我从而父之』乎？

凡圣经皆教人忠孝，而《易经》绝无忠孝字，唯《萃卦》『致孝享』也。一『孝』字，但说在祭祀上。《老子》曰：『国家昏乱有忠臣，室家不和有孝慈。』《庄子》曰：『至仁尚矣。』孝固不足以言之。此非过孝之言也，不及孝之言也。推之至于『使亲忘我难』，故烈士不畏死。而有母在，则曰『不敢以身许人』，亦较然矣。

往山编《性史》，以张留侯为孝子，留侯大父父两代相韩亡，五世父平卒后廿年，而秦始皇灭韩。留侯又不曾仕韩，且少年于韩，似可漠然。即韩或有念韩之人，亦不至以此事责望韩之幼孙也。而留侯竟破产狙击，亡命举义，聚兵卒从汉灭秦。此何意？太史公一言蔽之曰：『以大父父五世相韩，故此以者，以大父父之心也。』然留侯又未曾受大父父之属而为之，盖子孙以祖祧之心为心、之义为义，当如此也。不如此，而祖祧地下之心不快也。故吾推其类，至义之尽，有治世之孝，有乱世之孝；有其世界之孝，有非其世界之孝；有承颜养口体、养志之孝，有不承颜而追信其志之孝。经权常变，历代典籍亦尽有其事，而实未尝推见至隐，以明此事之大之微。《孟子》论孝而曰：『莫大乎以天下养。』若此，则尧舜以后，无论僭乱，而称天子者，顾皆以天下养者也。可概以孟子之言许之耶？人尽夫也，父一而已。以夫妇论之，自是贼妇；以父子言之，则为孝女。然不知雍纠之妻后更嫁耶？未耶？惜传不载此事。若再能以报纠，斯至义无间矣。

既写《孝经》已，尚余册数版，因拈论『孝』字起，聊复申素所讲求者数则书后。山所编《性史》，皆推隐微如此，全不录世所行诸孝子显而易见皮肤事。乱后常携之，陆续补缀，几十余大册矣。失之平定州，无从问之。留侯一则，每在忆中，不能忘也，复尔略记。

廿有七年，其間有米无菜，有菜无米面，有米菜无油盐炭薪，未尝能一月十五日不劳老人殷记。至甲午滨死狱中，父子不暇图再面矣，而老人饥冻，受邻比凌辱，无所不至，不谓尚余此有膺之生。至除夜，息眉奔村侨，鐙下叫门，则老人不信其孙之尚能生来也。及入门，实无米数日矣。明日过年，尚敢云少有肉菜耶？每念及此，虽不曾绝太真之裾，亦几乎太真之恨矣。幸而强颜出狱，又苟且奉侍者四年，毕竟不能丰衣足食，呼诺承奉，使兄弟叔侄欢喜团圆，朝暮笑语。追悔欠阙，当何处何时补报也？而今已矣！而今已矣！

曾子问曰：『君薨既殓，而臣有父母之丧则如之何？』孔子曰：『归居于家，有殷事则之君所，朝夕否。』又问：『君既启，而臣有父母之丧，则如之何？』孔子曰：『归，哭而返送君。』又问曰：『君未殓，而臣有父母之丧，则如之何？』孔子曰：『归，殓返于君所，有殷事则归，朝夕否。』大夫室老行事，士则子孙行事。『山谓『归居于家，有殷事之君所』尚可；若君启，闻变归，哭返送君，及君未殓，而闻变归，殓返于君所，不敢谓为礼之不可易者。夫人子闻父母之变，天崩地裂之时，而令舍亲之苦塊，而勉以尽君臣之礼。所谓君子不夺人之亲情者，何居此最不近人情者也？不可行也。故古人有哀毁亲丧，而至于灭性者矣，不知哀毁于君丧而灭性者有几。此皆自然等差，不得同论者也。』

《管子》曰：『使君亲之察，同索属者也。使君不安，属际也。』故『索属』加一『同』字，言其本有不同者也。使君不安，属其际也，言乎其本为际也，而强属之也。过于家人之亲君，斯有芥蒂者矣。若死者为贤君，岂忍夺其臣子之心，且置父母之哀而哀我乎？故贤君断不以此不仁之事，责于臣子也。愚于《管子》之言，别有解矣。因曾子问中此语可疑，及之辨其属际，益觉邴、任之言为天理之极而不可移也。

本朝夺情三相，南阳则有罗伦争之，江陵则有沈徐予之，武陵则有黄石齐先生予之。其为相之贤否，事业且置之，在三公则一忍之而已。故当时纷纷奏议，辨难不胜其口。彼既无人子之心矣，正论说言，犹之乎责犬豕之面，不深墨也。山以为当时奏章，正无用连篇累牍，諛哗何物纲常名教之言，但云皇上之不容私奔丧，终制者不过为国家之急，有非私不济者，正恐私当此哀毁陨灭之时，即勉强为皇上留之，其心有不安者，仓皇失厝，负上夺情之眷。若温旨再三问其心安乎？安则为之而已，又何恤乎人言？不知当何词以对。

復望吾語汝身體髮膚受之父母不敢毀傷孝之
始也立身行道揚名於後世以顯父母孝之終也
夫孝始於事親中於事君終於立身大雅云無
念爾祖聿脩德

天子章第二

孝經

開宗明義章第一

仲尼居曾子侍子曰先王有至德要道以順天下
民用和穆睦上下無怨汝知之乎曾子避席曰參
不敏何足以知之子曰夫孝德之本也教之所由生也



危所以長守貴也滿而不溢所以長守富也富貴不
離其身然後能保其社稷而和其民人蓋諸侯之孝也
詩云戰戰兢兢如臨深淵如履薄冰

卿大夫章第四

非先王之法服不敢服非先王之法言不敢道非先王

子曰愛親者不敬惡於人敬親者不敬慢於人愛
敬盡於事親而德教加於百姓刑於四海蓋天子之
孝也呂刑云人有慶兆民賴之

諸侯章第三

在上不驕高而不危制節謹度滿而不溢高而不

資於事父以事母而愛同資於事父以事君而敬
同故母取其愛而君取其敬兼之者父也故以孝事
君則忠以敬事長則順忠順不失以事其上然後
能保其祿位而守其祭祀蓋士之孝也詩云夙興
夜寐無忝尔所生

之德行不敢行是故非法不言非道不行口無擇言
身無擇行言滿天下無口過行滿天下無怨惡三者
備矣然後能守其宗廟蓋卿大夫之孝也詩云
夙夜匪懈以事一人

士章第五

曾子曰甚哉孝之大也子曰夫孝天之經也弟之義也民之行也天地之經而民是則之則天之明因地之利以順天下是以其教不肅而成其政不嚴而治先王見教之可以化民也是故先之以博愛而民莫遺其親陳之以德義而民興行先之以敬讓而民

庶人章第六

用天之道分地之利謹身節用以養父母此庶人
之孝也故自天子至於庶人孝無終始而患不
及者未之有也

三才章第七

治國者不敢侮於鰥寡而況於士民乎故得百
姓之歡心以事其先君治家者不敢失於臣妾而
況於妻子乎故得人之歡心以事其親夫然故生
則親安之祭則鬼享之是以天下和平災害不生
禍亂不作故明王之以孝治天下也如此詩云有

不爭導之以禮樂而民和睦示之以好惡而民知
禁詩云赫々師尹具尔瞻

孝治章第八

子曰昔者明王之以孝治天下也不敢遺一國之臣而況
於公族伯子男乎故得萬國之歡心以事其先王